



Concello de Xove

CERTIFICADO

D. VÍCTOR VOCES LÓPEZ, SECRETARIO DO EXCELENTÍSIMO CONCELLO DE XOVE (LUGO).-

CERTIFICO: Que, na sesión extraordinaria desenvolvida o día 22 de xuño de dous mil vinte e tres, por este Órgano, adoptouse, entre outros, o acordo cuxo teor literal é o seguinte:

10º.- PROPOSICIÓN DE ALCALDÍA SOBRE ASIGNACIÓN DE DOTACIÓN ECONÓMICA A FAVOR DOS GRUPOS MUNICIPAIS.

Sométese á consideración do Pleno para a súa deliberación e votación a proposta de acordo presentada por D. José Demetrio Salgueiro Rapa, Alcalde do concello de Xove que a continuación se transcribe:

PROPOSICIÓN DE ALCALDÍA SOBRE ASIGNACIÓN DE DOTACIÓN ECONÓMICA A FAVOR DOS GRUPOS MUNICIPAIS.

Visto o disposto no artigo 73.3 da Lei 7/1985, de 2 de abril, reguladora das bases de réxime local, que establece que a efectos da súa actuación corporativa, os membros das corporacións locais constituiránse en grupos políticos, na forma e cos dereitos e obrigas que se establezan con excepción de aqueles que non se integren no grupo político que constitúa a formación electoral pola que foron elixidos ou que abandonen o seu grupo de procedencia, que terán a consideración de membros non adscritos.

O Pleno da Corporación, con cargos aos Orzamentos anuais da mesma, poderán asignar aos grupos políticos unha dotación económica que deberá contar con un compoñente fixo, idéntico para todos os grupos e outro variable, en función do número de membros de cada un de eles, dentro dos límites que, no seu caso, se establezan con carácter xeral nas Leis de Orzamentos Xerais do Estado e sen que poida destinarse ao pago de remuneracións de persoal de calquera tipo ao servizo da corporación ou á adquisición de bens que poidan constituír activos fixos de carácter patrimonial.

Visto o artigo 42 das bases de execución do orzamento 2015 e de acordo co previsto nel, propónse ao Pleno a adopción do seguinte ACORDO:

PRIMEIRO: Establecer, como compoñente fixo anual da dotación económica aos grupos políticos municipais, a cantidade de 162,00 €.

SEGUNDO: Establecer, como compoñente variable da dotación económica aos grupos políticos municipais, outra cantidade igual a 65 € mensual por cada Concelleiro, é dicir, 780 € ó ano por cada concelleiro integrado no Grupo.

TERCEIRO: O réxime xurídico, económico e de xestión das citadas asignación dos grupos políticos Municipais consonte ao disposto no citado art. 73 da Lei 7/1985, do 2 de abril e conforme ao sinalado na Base de Execución 51, letra e) do vixente orzamento municipal, é o seguinte:





Concello de Xove

1º.- Cada grupo político deberá solicitar na Axencia Tributaria do Estado o número de identificación fiscal coa denominación de "Grupo Municipal de..... no Concello de Xove"

2º.- Deberá abrir unha conta bancaria a nome do grupo e baixo o devandito número de identificación fiscal

3º.- Nomear a un membro do grupo como autorizado para dispor dos fondos da conta bancaria e responsable da contabilidade do grupo, de efectuar as retencións tributarias que procedesen e dar cota da xestión económica para o efecto de xustificar o destino dos fondos conseguidos.

4º.- Cada grupo político deberá levar unha contabilidade específica dos seus gastos de funcionamento. O sistema contable deberá rexistrar todas as operacións de natureza económica, financeira e patrimonial realizadas polo grupo, de xeito que se permita tanto o seu rendemento como a verificación do correcto destino do gasto, e do pago efectivo do mesmo. Esta información porase a disposición do Pleno sempre que este llo pida.

5º.- A asignación percibida non será compatible co financiamento público ou privado para a mesma finalidade, nin aplicarse ao financiamento dos partidos políticos presentes na corporación municipal.

6º.- As dotacións libranse de xeito mensual e tramítanse en un só acto administrativo que acumulará as tres fases do gasto (autorización, disposición e recoñecemento da obriga) utilizando o documento contable ADO.

7º.- Destino das asignacións e xustificación das mesmas.

O importe das asignacións establecidas non poderá destinarse ao pagamento de:

** Remuneracións de persoal de calquera tipo ao servizo da corporación nin retribucións a membros do grupo. Os propios concelleiros do grupo son persoal ao servizo da corporación e non poden percibir cantidades destas asignacións.*

** Tampouco poderá destinarse á adquisición de bens que podan constituír activos fixos de carácter patrimonial. Terán a consideración de activos fixos de carácter patrimonial todos os bens que reúnan algunha das seguintes características:*

- que non sexan bens funxibles*
- que teñan unha duración previsiblemente superior ao exercicio orzamentario*
- que sexan susceptibles de inclusión en inventario*
- ser gastos que previsiblemente non sexan reiterativos.*

As asignacións percibidas non poden destinarse en ningún caso a outros fins mais alá dos gastos de funcionamento do grupo na súa actuación corporativa; actuación que se erixe e serve como elemento conformador e xustificador da existencia do propio grupo municipal.

Os documentos xustificativos presentados deben estar vinculados á efectiva e directa relación dos gastos xustificados co desenvolvemento da actividade ordinaria do grupo.





Concello de Xove

Considérase como "actividade ordinaria" a relacionada coas prestacións recollidas como gastos correntes na Orde EHA/3565/2008, de 3 de decembro, pola que se aproba a estrutura dos orzamentos das entidades locais, modificada pola Orde HAP/419/2014, de 14 de marzo (Capítulo 2). En consecuencia non se consideran como gastos propios da actividade ordinaria do grupo os seguintes:

- Gastos de persoal ao servizo da corporación nin retribucións aos membros do grupo
- Material inventariable. Terán esta consideración, consonte ao establecido na Base 34, os bens cuxo coste unitario supere os 500,00 euros, sendo polo tanto susceptibles de imputación ao Capítulo VI de Investimento Real.
- Transferencias a partidos políticos
- Aportacións a asociacións de veciños e outras entidades de participación de cidadáns
- Regalos a particulares; gastos de atencións funerarias; gastos protocolarios coincidentes con campañas electorais e insercións de anuncios e publicidade en todo tipo de medios de comunicación.
- Gastos de natureza electoral
- Adquisicións de carácter persoal
- Asistencia a reunións, asembleas ou similares do correspondente partido municipal que teñan carácter xenérico nas que non se vaian tratar asuntos municipais en concreto. A título meramente enunciativo serán susceptibles de xustificación gastos de:
 - Material de oficina; cartelería, timbre e prensa; material de ofimática.
 - Gastos por mantemento informático; mantemento de sede ou local; comisións bancarias de mantemento da conta corrente; medios de transporte relacionados coa actividade política do grupo; telefonía e Internet; eventos organizados polo grupo; bens funxibles.

Admitiranse igualmente como gastos de natureza ordinaria dietas por desprazamentos dentro do término municipal con motivo de actos ou reunións de contido local ou sectorial ou outros motivos de interese para o funcionamento do grupo no exercicio da súa actuación corporativa. O importe aboado por kilómetro efectuado axustarase á contía establecida no RD 462/2002, de 24 de maio, sobre indemnizacións por razóns de servizo, coas actualizacións que se teñan publicado con posterioridade a dita data, actualmente establecida en 0,19 €/km. No documento xustificativo deberá facerse mención ao número de kilómetros efectuados. Establécese un límite de 600,00 euros anuais por concelleiro do grupo. Este gasto será incompatible co gasto de combustible.

Do mesmo xeito, admitiranse como gastos de natureza ordinaria gastos en concepto de celebración de comidas para tratar asuntos de grupo municipal. O importe máximo a aboar por comida axustarase á contía establecida para o Grupo 1 no RD462/2002, de 24 de maio, sobre indemnizacións por razón de servizo, coas actualizacións que se teñan publicado con posterioridade a dita data, actualmente establecida en 26,67 euros. Establécese un límite de 320,00 euros anuais por concelleiro do grupo.

Admitiranse como xustificante de gasto facturas orixinais que cumpran os requisitos establecidos para a súa expedición no R.D. 1619/2012, de 30 de novembro, identifiquen claramente os conceptos, importe, provedor e grupo político destinatario, ademais de estar datadas no período subvencionable. Con carácter excepcional aceptarase a xustificación do pagamento mediante "tickets" do provedor para gastos de escasa contía por importes inferiores a 50 euros, e nos que figure o selo do establecemento así como a denominación e





Concello de Xove

o CIF da entidade beneficiaria da subvención.

O pago deberá ter sido realizado mediante transferencia bancaria que asegure a conta bancaria do grupo e a identificación do seu destinatario. Só excepcionalmente se admitirán pagos en efectivo para importe inferiores a 100 euros, nos que se admitirá a expresión "pagado" estampillada na factura polo establecemento comercial correspondente.

Para o caso de desprazamentos dentro do termino municipal, cada concelleiro que incorra neste tipo de gastos deberá asinar unha declaración responsable de todos os Concello de Xove kilómetros efectuados desglosada por meses así como as parroquias ás que afecta.

Dita declaración deberá contar igualmente coa sinatura do membro do grupo designado como autorizado para dispor dos fondos da conta bancaria e responsable da contabilidade do grupo.

En todo caso, esixirase unha declaración responsable asinada polo membro do grupo designado como autorizado para dispor dos fondos da conta bancaria e responsable da contabilidade do grupo, na que se estableza que todos e cada un dos gastos que se presentan como xustificante son motivados por actividades relacionadas coa actividade do grupo (esta declaración estará integrada na conta xustificativa que se acompaña como modelo).

Naqueles casos nos que o gasto sexa superior á aportación recibida, reflexarase como subvención non xustificada a cantidade de cero euros sen que proceda aplicala a vindeiros exercicios ao tratarse de subvencións de carácter anual.

8º.- Presentación da conta xustificativa e rendición ao Pleno A conta xustificativa deberá presentarse unha vez rematado o exercicio ao que se refire. A Intervención Municipal elevará un informe ao Pleno sobre a debida xustificación das dotacións percibidas con anterioridade ou no mesmo momento do sometemento a aprobación da Conta Xeral do exercicio correspondente. Con carácter excepcional, nos anos de celebración de eleccións municipais deberá renderse xustificación das percepcións recibidas desde o 1 de xaneiro ata a data de constitución da nova corporación resultante das eleccións.

9º.- Información adicional.

Dáse constancia expresa de que de acordo co criterio da Intervención Xeral da Administración do Estado sobre as aportación aos grupos políticos, determínase que, a partir da entrada en vigor da reforma da Lei de Financiación de Partidos Políticos, a Lei Xeral de Subvención opera con carácter supletorio, de xeito que lle resulta de aplicación o réxime de subministro de información á Base de Datos Nacional de Subvencións.

Os grupos políticos, como perceptores de axudas, deberán estar ao corrente das súas obrigas tributarias e coa Seguridade Social.

Se con cargo aos fondos percibidos os grupos aboaran honorarios profesionais ou outros gastos suxeitos a retención, estarán obrigados a practicar as correspondentes retencións así como ao seu ingreso na AEAT"





Concello de Xove

A Presidencia somete a votación ordinaria a proposta co seguinte resultado:

Votos a favor: unanimidade (11) concelleiros/as presentes do grupo municipal do PP (7); do grupo municipal do BNG (3) e a concelleira (1) do grupo mixto

Votos en contra: 0; e

Abstencións: 0;

proclamando a continuación a **aprobación** da **proposta de acordo SEN MODIFICACIÓNS.**

E para que conste, para os efectos oportunos no expediente da súa razón, e en cumprimento do disposto nos artigos 204 e 205 do Regulamento de Organización, Funcionamento e Réxime Xurídico das Entidades Locais, asino a presente certificación coa salvedade prevista no artigo 206 do texto regulamentario citado, de orde e co visto e praxe do alcalde-presidente don José Demetrio Salgueiro Rapa (Lugo), á data da sinatura dixital establecida á marxe.-

DOCUMENTO ASINADO DIXITALMENTE

